

ENTRÉE
DE L'
ROYN
A
DEVI.

S. D.










CLOSS

R.746



35478

Reserve

Besuit lordre qui a

este tenue a l'entree De la rogne
A abeuille.



¶ L'entree de la royne a Abeuille



Remierement alloiēt de;
uāt la dite dame enuiron
soixente des plus grās sei
gneurs dangleterre mon;
tez sur gros cheuaulx Et
la plus pt estoient vestus
de drap dor. Et portoient grosses bagues
a leurs bonnetz & chappeaulx.

¶ Apres alloit ladicte dame montee sur
vne acquenee blanche arnahee de brode;
rie & orfaurerie bien riche Et mōsieur che
ua choit coste a coste de lād dame deui;
sant ensemble & portoit on sur lād dame
vng poille de satin blanc frange que qua
tre des principaulx de la ville portoient.

¶ Ladicte dame estoit vestue dune robe
de drap d'argent et vne cotte de toille dor
bordee par embas de quatre gransdoigs

de broderie & orfauerie dor: La billez de
la teste a la facon de son pays & tout plaiz
de pierre ye a l'entour de ses templetes &
grosses bagues pendues au col en facon
de carquen.

C Apres ladicte dame alloient trente six
damoyelles mōtees sur hacqnees en ar-
nachees de velours cramoisy a broderye
& orfauerie dor:

C Apres alloit vne sytiere toute couuer-
te de fleurs de lys dor. Et trois charioz
meslez parmy de quoy il y en auoit deux
de drap dor figure / & le tiers de velours
cramoisy fort triumphans & les harnois
des cheuaultz de mesmes Et y tout esto-
ient les armes du Roy & de la Royne Et
force poiz espics parmy.

C Apres ce alloient troiscens archiers &
arballestriere avec grosses trousses d'fle

ches Et larc au poing & le bouclier pen-
du a lespee habillez de plusieurs lincees

Et au regard du Roy nostre sire Il se
mist aux chaps & monta sur vng beau cou-
sier bien pare et bie gaillard sur lequel le
faisoit bon voir Et led seigneur est alle ren-
côtrer la Royne hors la ville acompaignee
de quatorze ou quinze ccs cheuaux Et la
baisa a cheual & luy a dit trois ou quatre
parolles bones & honestes & puis se de partit

Et lad dame est venue a Elbeuille ou
ceulx de la ville luy ont faict de beaux
misteres & honestes tant a l'entree de la
porte que parmy la ville en plusieurs en-
drois & sen sont tres honestement acqui-
ctez Ilz ont donne pour faire le banquet
vng gros nombre de beufz & moutons six
mille chappons & tout ce qu'on a peu re-
couurer de sauuagine.

Et pour parler du parement des anglois
& de la suite de ladicte dame Il a este tel

que du viuant des hommes il nen fut veu
le pareil en richesse ne en si grās persona
ges Il y auoit quatre ou cinq hommes q̄
l'on dit ceulx qui gouernent la finēce dā
gleterre q̄ auoiet plus de drap dor & de orz
faureye a leurs habillemens que ne por
tent les plus grās gentilsz hommes de p̄
deca Et pource que ce n'est pas la coustu
me on disoit quilz les osteroient des lenz
demain.

Ad iourd'hu y q̄ est lundy neufuies
me doctobre enuiron neuf heures
ont este espousez le Roy nostre sire Et la
Royne.

Et pource q̄ ladicte dame estoit sogee
vng traict d'arc du logis du Roy Elle est
venue sur sa hacquene par dedā vng iar
din ou le Roy cest trouue au deuant d'elle
au long d'une grātallee q̄ est dedans led
iardin La ou ladicte dame est venue avec

ses cheualiers & ses dames tous chan-
gez d'abillemens. Et si estoient hier engrât
richesses Mais au iourduy estoient pl^s
sans cōparaison Et en attendant que la
presse du logis du roy fust gette hors Lad^e
dame a este arrestee Elle & toute sa com-
pagnie dedâs ledit iardin enuiron demy
heure avec aucuns de ses cheualiers qui
parloient bien francoys Et entre les au-
tres L'admiral d'angleterre & le principal
embassadeur & ont la deuise ensemble.

C Je vous pmetz que les francoys ont
tenu la plus belle ordre q̄ on vit iamais
tenir Et au regard de eulx ilz ne nont pas
fait moins Car lordre y a este si bien te-
nue que on na pas souuenâce den auoir
iamais veu la pareille.

Lad^e dame portoit vne robe de drap dor
tant riche quil nest possible de lestre pl^s
Elle est chargee dorfauxerpe branlante &

pour abieger il y auoit de loz sur elle & sur
ses dames sans comparaison. Les selles
de leurs acqenees estoient couuertes De
drap dor & de orfaurerie toute aultre que
celle que elles portoient hier.

CLadicte dame est tresbelle honneste et
ioyeuse & est pour prendre plaisir en tous
esbatemens Elle ayne la chasse Et tyre
de sarc a la facon d'angleterre si bien que
merueille.

CAdemourera avec ladicte dame vne par-
tye de ses gentilz homes & de ses dames.
Je croy q ce sera vne dame daudasse / car
elle ne seffraye de rien. Et cy comende sa-
gement a ses gens se quelle veult auoir.

CAbeuille ce lundy. iij. doctobre

CFinis.



